



Title	漢詩四首
Author(s)	吉田, 鋭雄
Citation	懷徳. 1940, 18, p. 53-53
Version Type	VoR
URL	<a href="https://hdl.handle.net/11094/89049">https://hdl.handle.net/11094/89049</a>
rights	
Note	

*The University of Osaka Institutional Knowledge Archive : OUKA*

<https://ir.library.osaka-u.ac.jp/>

The University of Osaka

皇紀二千六百年紀元節恭賦

六合奠都宇八紘。帝謨宏遠照寰瀛。贊襄聖慮須今日。億兆一心期大成。

自昭和己卯九月起程。巡拜大和河內四十五山陵。今茲庚辰六月了焉。恭賦。

國體尊嚴無比稱。天胤奕世永相承。或攀丘岳又高敞。拜了冊有五帝陵。

山陵匝之以深濠。常湛千古碧水。恭賦。

降臨此土仰天孫。萬世至今一系存。深湛蒼蒼千古水。拜來轉覺國容尊。

征戰三年

吉田 銳 雄

夙建東方策。堂堂此出師。太空飛猛鷲。曠野躍雄羆。諸秦殲胡虜。連城樹旭旗。樓蘭何處匿。三載未擒之。

種 竹

弄玉江南竹。窗前移植成。竿竿凝翠色。葉葉引風聲。市井雖污濁。藩籬獨掃清。此君真好伴。何日鳳來鳴。

曉 起 折 梅

早曉山祠路。橋邊訪潤梅。幽姿凌雪立。素影送香來。書屋無殊觀。吟心似冷灰。一枝容我折。欲以作詩媒。

秋晚閒吟得東

征夫未返戰方中。抱著愁心坐晚風。木葉黃飛籬菊老。斜陽影冷射房櫳。